


Bosna i Hercegovina
Federacija Bosne i Hercegovine
Hercegovačko – neretvanski kanton
Fond za zaštitu okoliša



Bosnia & Herzegovina
Federation of Bosnia & Herzegovina
Herzegovina - Neretva Canton
Environmental Fund

P R A V I L N I K
O POSTUPKU OBJAVLJIVANJA KONKURSA I O ODLUČIVANJU O ODABIRU
KORISNIKA SREDSTAVA FONDA ZA ZAŠTITU OKOLIŠA HERCEGOVAČKO –
NERETVANSKOG KANTONA

Mostar, juli 2013. godine

Na osnovu člana 25. stava (4) Zakona o Fondu za zaštitu okoliša Hercegovačko – neretvanskog kantona („Službene novine HNK“, broj: 6/12) i člana 44. stav (1) tačka 7) Statuta Fonda za zaštitu okoliša Hercegovačko - neretvanskog kantona („Službene novine HNK“, broj: 9/12), Upravni odbor Fonda za zaštitu okoliša Hercegovačko - neretvanskog kantona je, na prijedlog direktora Fonda, na 3. sjednici održanoj dana 03.07.2013. godine, d o n i o

P R A V I L N I K
O POSTUPKU OBJAVLJIVANJA KONKURSA I O ODLUČIVANJU O ODABIRU
KORISNIKA SREDSTAVA FONDA ZA ZAŠTITU OKOLIŠA HERCEGOVAČKO –
NERETVANSKOG KANTONA

Član 1.

Ovim Pravilnikom uređuje se postupak objavljivanja konkursa i odlučivanja o odabiru pravnih i fizičkih lica kojima Fond za zaštitu okoliša Hercegovačko – neretvanskog kantona (u daljem tekstu: Fond), u okviru Zakonom propisane djelatnosti Fonda, odobrava finansijska sredstva za provedbu programa, projekata i drugih aktivnosti u području zaštite okoliša.

Član 2.

Fond odobrava finansijska sredstva za finansiranje programa , projekata i aktivnosti na osnovu javnog konkursa, osim kad je zakonom propisano da Fond neće raspisati javni konkurs.

Član 3.

- (1) Javni konkurs se raspisuje za projekte, programe i aktivnosti u području zaštite okoliša i energetske efikasnosti, te za projekte, programe i aktivnosti u području korištenja obnovljivih izvora energije.
- (2) Upravni odbor Fonda može odlučivati da se javni konkurs za obje vrste projekata i programa, iz stava 1. ovog člana, objave zajedno.

Član 4.

Javni konkurs može obuhvatiti cjelinu programa, projekata i aktivnosti iz područja zaštite okoliša, energetske efikasnosti, odnosno korištenja obnovljivih izvora energije, ili samo za određene programe, projekte i aktivnosti u tim područjima ili samo za određene programe u tim područjima, koji se odnose na:

- zaštitu, očuvanje i poboljšanje kvalitete zraka, tla, voda i mora, te ublaživanje klimatskih promjena i zaštitu ozonskog omotača;
- saniranje, poticanje izbjegavanja i smanjivanja nastajanja otpada;
- iskorištavanje vrijednih svojstava, te obrade otpada;
- zaštitu i očuvanje biološke i pejzažne raznolikosti;
- provedbu energetskih programa, projekata ili aktivnosti;
- programa razminiravanja;
- unaprjeđivanje i izgradnju infrastrukture za zaštitu okoliša;
- poboljšanje praćenja i ocjenjivanja stanja okoliša, te uvođenja sustava gospodarenja okolišem;
- poticanje održivog korištenja prirodnih dobara;
- poticanje održivih privrednih djelatnosti, odnosno održivog ekonomskog razvoja;
- poticanje istraživačkih, razvojnih studija, programa, projekata i drugih aktivnosti, uključujući i demonstracijske aktivnosti.

Član 5.

- (1) Fond objavljuje javni konkurs, u pravilu najmanje jednom u kalendarskoj godini, u skladu sa programom rada, programom utroška sredstava i finansijskim planom Fonda.
- (2) Ako se na osnovu prihvaćenih prijava ne iskoriste sva finansijska sredstva planirana za programe i projekte utvrđene javnim konkursom, može se tokom godine za istu namjenu raspisati novi javni konkurs.
- (3) Odluku o raspisivanju javnog konkursa donosi Upravni odbor Fonda, na prijedlog direktora Fonda.

Član 6.

- (1) Javni konkurs za korištenje sredstava Fonda, objavljuje se u “Službenim novinama Hercegovачko - neretvanskog kantona”, na službenim web stranicama Fonda, odnosno Ministarstva trgovine, turizma i zaštite okoliša HNK, te u najmanje dva dnevna lista koja se distribuiraju na području cijelog Hercegovачko – neretvanskog kantona.
- (2) Tekst javnog konkursa sadrži:
 1. predmet javnog konkursa,
 2. korisnike sredstava koji imaju pravo na podnošenje prijave,
 3. uslove kojima podnosioci prijave moraju udovoljavati,
 4. popis dokumenata koje je potrebno priložiti uz prijavu,
 5. osnovne kriterije odabira,
 6. mjesto i rok za dostavu prijave,
 7. rok za donošenje odluke o odabiru.

Član 7.

Rok za podnošenje prijava na javni konkurs ne može biti kraći od 15 dana ni duži od 60 dana.

Član 8.

- (1) Radi obrade prijava na javni konkurs, direktor Fonda će osnovati Komisiju za obradu prijava na javni konkurs.
- (2) Članovi Komisije mogu biti i vanjski saradnici i stručnjaci iz pojedinih oblasti.
- (3) Komisija, na temelju obrade prijava, izrađuje izvještaje o provedenom javnom konkursu te daje stručnu ocjenu za prijedlog odabira prijava koje će se prihvatiti.
- (4) Stručnom ocjenom komisije, utvrđuju se prioriteti u odabiru pristiglih ponuda.
- (5) Izvještaj o provedenom javnom konkursu i stručnu ocjenu, komisija dostavlja direktoru Fonda.

Član 9.

- (1) Odluku o prihvatanju projekata, programa i drugih aktivnosti za koje se dodjeljuju sredstva Fonda po podnesenim prijavama na javni konkurs, donosi Upravni odbor Fonda na prijedlog direktora Fonda.
- (2) Odlukom iz stava 1. ovog člana, Upravni odbor će odlučiti o odabiru korisnika sredstava Fonda po objavljenom javnom konkursu.

Član 10.

- (1) Fond će sve učesnike javnog konkursa obavijestiti o odluci Upravnog odbora Fonda o odabiru korisnika sredstava Fonda po objavljenom javnom konkursu, u roku od 15 dana od donošenja odluke.
- (2) Fond će objaviti odluku Upravnog odbora Fonda i na službenim web stranicama Fonda.

Član 11.

- (1) Upravni odbor će osnovati Komisiju Fonda za prigovore koja će, po završenoj proceduri dodjele sredstava Fonda, razmatrati eventualne prigovore korisnika sredstava Fonda.
- (2) Protiv odluke Upravnog odbora Fonda o odabiru korisnika sredstava Fonda po objavljenom javnom konkursu, učesnik konkursa može podnijeti prigovor Komisiji Fonda za prigovore u roku od tri (3) dana od prijema pisane odluke.
- (3) Prigovorom se može tražiti preispitivanje provedene procedure u smislu eventualnih propusta u ocjeni prijave korisnika sredstava.
- (4) Ako Upravni odbor Fonda uvaži prigovor na prijedlog Komisije za prigovore, novu će odluku dostaviti svim učesnicima javnog konkursa.
- (5) Odluka Upravnog odbora Fonda donesena o prigovoru, je konačna.

Član 12.

- (1) Na osnovu konačne odluke Upravnog odbora, Fond sa korisnikom sredstava Fonda sklapa ugovor o korištenju sredstava Fonda.
- (2) Ugovorom iz stava 1. ovog člana, uređuje se iznos odobrenih sredstava Fonda i dinamika njihove dodjele, uslovi i način korištenja dodijeljenih sredstava, način praćenja namjenskog korištenja dodijeljenih sredstava, te ostala međusobna prava i obaveze korisnika sredstava i Fonda.

Član 13.

Fond neće raspisati javni konkurs, kad kao ugovorna strana neposredno sufinansira i učestvuje u realizaciji programa, projekata i sličnih aktivnosti u području zaštite okoliša koje organizuju i finansiraju međunarodne finansijske institucije i organizacije.

Član 14.

Ovaj Pravilnik stupa na snagu davanjem saglasnosti od strane Ministarstva trgovine, turizma i zaštite okoliša HNK, a bit će objavljen u „Službenim novinama Hercegovacko – neretvanskog kantona“.

Bosna i Hercegovina
Federacija Bosne i Hercegovine
Hercegovacko – neretvanski kanton
Fond za zaštitu okoliša Hercegovacko – neretvanskog kantona
UPRAVNI ODBOR

Broj: UO-___/13
Mostar, 03.07.2013. godine

PREDSJEDNIK

Alisa Hajdarović